



Broj: 01-04-5-7483 /25
Sarajevo, 26.06.2025. godine

U skladu sa članom 70. Zakona o javnim nabavkama BiH ("Sl. glasnik BiH", br. 39/14, 59/22 i 50/24), Zapisnikom o pregledu i ocjeni ponuda, broj: 08-11-15-7269/25 od 23.06.2025. godine i Preporukom Komisije za javne nabavke, broj: 08-11-15-7269-1/25 od 23.06.2025. godine, a na osnovu člana 18. stav 1. Pravilnika o javnim nabavkama Fonda za profesionalnu rehabilitaciju i zapošljavanje osoba sa invaliditetom, broj: 01-02-2-10558/24 od 11.09.2024. godine, Upravni odbor Fonda za profesionalnu rehabilitaciju i zapošljavanje osoba sa invaliditetom na 70. elektronskoj sjednici održanoj dana 26.06.2025. godine d o n o s i

O D L U K U

o izboru ponuđača „JP Elektroprivreda BiH“ d.d. Sarajevo

I

Prihvata se Preporuka Komisije za nabavku, broj: 08-11-15-7269-1/25 od 23.06.2025. godine u postupku nabavke električne energije putem otvorenog postupka za dostavu ponuda i Ugovor za javnu nabavku dodjeljuje se ponuđaču: **JP Elektroprivreda BiH d.d. Sarajevo**, ul. Vilsonovo šetalište 15, Sarajevo, ponuda br. 1, dostavljena dana 13.06.2025. godine, za ponuđenu cijenu od 91.287,10 KM (bez PDV-a), kao najpovoljnijem ponuđaču.

II

Izabrani ponuđač nije dužan u roku od 5 (pet) dana od dana dostavljanja ove Odluke dostaviti originale ili ovjerene kopije dokumentacije iz člana 45. Zakona o javnim nabavkama, pobliže navedeno u tački 3.1. Tenderske dokumentacije, obzirom da je navedeno dostavljeno u ponudi.

III

U skladu iznimci iz člana 98. stav 2. tačka a) Zakona o javnim nabavkama, budući da je u predmetnom postupku pristigla samo jedna ponuda i ista ispunjava uslove iz tenderske dokumentacije, prijedlog ugovora o javnoj nabavci bit će dostavljen izabranom ponuđaču na potpis. O izboru najpovoljnijeg ponuđača svi učesnici postupka su pravovremeno obaviješteni.

IV

Ova Odluka stupa na snagu danom donošenja i objavit će se na internet stranici Fonda, istovremeno s upućivanjem iste svim ponuđačima koji su učestvovali u predmetnom postupku javne nabavke, u skladu sa članom 70. stav. 6. Zakona o javnim nabavkama.

OBRAZLOŽENJE

Postupak javne nabavke je pokrenut Odlukom o pokretanju otvorenog postupka javne nabavke broj: 01-04-5-6415/25 od 27.05.2025. godine. Javna nabavka je provedena putem otvorenog postupka. Procijenjena vrijednost nabavke iznosi 100.000,00 KM (bez PDV-a).

Tendersku dokumentaciju je preuzelo četiri (4) privredna subjekata, izmjenu tenderske dokumentacije je preuzelo dva (2) privredna subjekta, a jedan (1) ponuđač je dostavio ponudu u predmetnom postupku nabavke. Neblagovremenih ponuda nije bilo.

Ponude su dostavili sljedeći ponuđači:

Redni broj	Naziv i sjedište ponuđača
1.	JP Elektroprivreda BiH d.d. Sarajevo, ul. Vilsonovo šetalište 15, Sarajevo

Komisija za javne nabavke imenovana Odlukom broj: 01-04-5-6416/25 od 27.05.2025. godine je izvršila pregled i ocjenu ponuda, te konstatovala da je zaprimljena ponuda ponuđača „JP Elektroprivreda BiH“ d.d. Sarajevo, ul. Vilsonovo šetalište 15, Sarajevo prihvatljiva.

U skladu sa članom 4. stav 2. Pravilnika o uslovima i načinu korištenja e-aukcije („Službeni glasnik BiH“, broj 80/23) propisano je da u slučaju prijema jedne prihvatljive ponude e-aukcija se ne može zakazati, nego se postupak okončava u skladu sa članom 69. Zakona.

Nakon izvršenog pregleda i ocjene ponuda, Komisija je dostavila Upravnom odboru Fonda za profesionalnu rehabilitaciju i zapošljavanje osoba sa invaliditetom Preporuku broj: 08-11-15-7269-1/25 od 23.06.2025. godine o izboru ponuđača „JP Elektroprivreda BiH“ d.d. Sarajevo, ul. Vilsonovo šetalište 15, Sarajevo, sa ponuđenom cijenom od 91.287,10 KM (bez PDV-a) i Zapisnik o pregledu i ocjeni ponuda, broj: 08-11-15-7269/25 od 23.06.2025. godine.


U postupku donošenja ove odluke, posebno su cijenjene činjenice da je Komisija pravilno i potpuno izvršila ocjenu kvalificiranosti ponuđača, kao i ocjenu prispjele ponude shodno kriterijima iz Tenderske dokumentacije, te da je izbor izvršen u skladu sa Zakonom o javnim nabavkama, podzakonskim aktima i Tenderskom dokumentacijom.

Uzimajući u obzir naprijed navedeno, odlučeno je kao u dispozitivu ove Odluke.

Pouka o pravnom lijeku:

Protiv ove Odluke svaki od ponuđača koji je učestvovao u postupku nabavke može izjaviti žalbu Ugovornom organu u pisanoj formi u roku od 10 (deset) dana od dana prijema ove Odluke.

PREDSJEDNIK UPRAVNOG ODBORA


Dr. Senad Pešto

Dostaviti:

- Upravnom odboru
- Ponuđaču (3x)
- Službi za javne nabavke i informacione tehnologije
- Sektoru finansijskih i računovodstvenih poslova
- a/a